



SIUMUT INATSISARTUNI ILAASORTAATITAT / LANDSTINGSGRUPPEN

11. August 2011

UKA 2011/63

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Nunat inoqqaavisa pisinnaatitaaffii pillugit naalagaaffiit peqatigiit nalunaarutaat atuutsinnissaa pillugu apeqquteqaat aallaavigalugu oqallinnissamik siunnersuut.
(Inatsisartunut ilaasortaq Doris Jakobsen, Siumut)

Tunggavilersuut:

13. September 2007, FN-imi ataatsimeersuarnermi Nunat inoqqaavisa pisinnaatitaaffii pillugit naalagaaffiit nalunaarutaat akuersissutigineqarput. Nunap inoqqaajusut nunarsuarmi 370 millionit sinnerlugit amerlassusillit tassani pineqarput, taakkunani nunatta inui ilaallutik. Nalunaarutip akuersissutigineqarnera ajugaanertut isigineqarpoq, naak USA Rusland-ilu suli peqataannikkaluartut.

Nalunaarut nunap inoqqaavinik naqisimaneqartunut neriulersitsivoq naligiissitaanermik, pisinnaatitaaffinnik, immikuullarissuunermut, inuunermilu mianerisanut allanullu siunissami pitsaanerusemik atugaqalernissamut.

Nunap inoqqaavisa pisinnaatitaaffii pillugit naalagaaffiit nalunaarutaat, immikkoortunik 46-nik imaqarpoq, taakkuuppullu uagut nunatsinni naalagaaffeqatigiinnerullu aqqani eqquutsinniarlugit sulissutissagut. Taamaakkaluartoq ullumikkut nunap inoqqaavisa namminneq aaliangiisarnissaat suli tunuarsimaarfigineqartarpoq, aammattaaq nalunaarummi nunatsinni atuutsinneqanngitsut immikkoortut ersarissut pingasut tassaapput Imm. 19, 27 aammalu 30

Atuutsinneqannginnerannut tunggaviuvoq, naalagaaffiup aningaasaliinikuunnginnera aammattaaq suleqqinnissamut qularnartumik inissimasoqarpoq aningaasaliissutinik ajornartorsiuteqarneq tunggavigalugu.

Qulaani tunggavilersuutikka innersuussutigalugit, matumuuna Naalakkersuisunut Inatsisartunullu tusarniaassutigaa, Nunap inoqqaavisa pisinnaatitaaffii pillugit naalagaaffiit peqatigiit nalunaarutaat piviusunngortinniarlugit Naalakkersuisut qanoq iliuuseqalersaarnersut aammalu uagut Inatsisartuni qanoq sunniuteqaqataasinnaanersugut?